

12-09-2019

Broj: 1075-1/19  
Sarajevo, 26.08.2019. godine

01-05-28145-11/19  
SKUPŠTINA KANTONA SARAJEVO  
Sarajevo, Reisa Džemaludina Čauševića 1

**PREDMET:** *Odgovor na zastupničko pitanje uvažene zastupnice Segmedine Srme-Bajramović*

**VEZA:** *Vaš Dopis broj: 01-05-28145-11/19 od 24.07.2019. godine*

Poštovana,

*U skladu sa Programom rada Turističke zajednice Kantona Sarajevo za 2019. godinu, kao i Finansijskim planom Turističke zajednice Kantona Sarajevo za 2019. godinu, usvojenim od strane prethodne uprave, Turistička zajednica Kantona Sarajevo je 03. juna 2019. godine donijela Odluku broj: 680/19 o raspisivanju Javnog poziva za dodjelu sredstava 4/2019.*

*Predsjednik Povjerenstva Turističke zajednice Kantona Sarajevo je dana 18. juna 2019. godine donio Odluku broj: 836/19 o imenovanju Komisije za provođenje javnog poziva 4/2019. Članovi navedene Komisije su bili:*

- 1. Azra Džigal;*
- 2. Mersiha Mehmedagić;*
- 3. Dženana Bećirević.*

*Komisija je vršila ocjenjivanje projekata na osnovu donesenog Pravilnika o sufinansiranju turističkih projekata u Kantonu Sarajevo. Prije samog ocjenjivanja projekata Komisija je izvršila kontrolu ispunjenosti formalno-pravnih uvjeta iz javnog oglasa. Projekti koji nisu ispunili formalno-pravne uvjete nisu dalje razmatrani, odnosno ocjenjivani. Bez obzira o kojem aplikantu i projektu se radi neispunjavanje formalno-pravnih uvjeta značilo je eliminaciju iz dalje procedure dodjeljivanja sredstava. Pravila su bila jednaka i jasna za sve.*

*Kriteriji/mjerila za ocjenjivanje i odabir projekata iz navedenog Pravilnika, prema članu 7., bili su sljedeći:*

- 1. Kvalitet kandidiranih projekata;*
  - Da li se radi o projektima koje TZ KS finansira prvi put (prednost imaju novi-inovativni, projekti).*
  - Zastupljenost projekata iz oblasti turizma, kulture, sporta, ekologije, zdravlja, i dr.;*
  - Zastupljenost projekata na teritoriji cijelog Kantona Sarajevo (prednost općinama sa najvećim brojem ostvarenih noćenja, kako bi se osigurao dodatni sadržaj u istima i turisti duže zadržali, te unaprijedila turistička ponuda i općinama koje imaju potencijal za turistički razvoj);*

- Važnost održavanja projekta za lokalnu zajednicu;
  - Praćenje trendova Svjetske turističke organizacije (turizam i digitalna transformacija, moto u 2019. godini);
2. Doprinos uspješnom prezentiranju i afirmaciji Kantona Sarajevo kao turističke destinacije;
    - Vidljivost i inovativnost promocije (posebno strani mediji);
    - Učešće afirmisanih stručnjaka iz oblasti kandidiranog projekta;
  3. Jasno definisani ciljevi provođenja projektnih aktivnosti (mjerljivi očekivanim brojem turista, posjetilaca, povratnih pozitivnih efekata na turizam, povećanje potrošnje turista u KS-u, itd.);
  4. Kontinuitet projekta i dosadašnji rezultati;
    - Broj stranih gostiju/dužina trajanja projekta;
    - Uticaj na razvoj novih turističkih proizvoda u Kantonu Sarajevo (obogaćivanja sadržaja);
    - Ako se radi o istom projektu, koji se prijavljuje više puta, ocjenjivati održivost i inovativnost;
    - Broj partnera/donatora, koji sufinansiraju projekte i procenat vlastitog učešća.

Kada govorite u svom zastupničkom pitanju o nezadovoljstvu pojedinaca raspodjelom javnog novca, Turistička zajednica Kantona Sarajevo zaprimila je primjedbu zbog odbijanja sufinansiranja projekta, konkretno od strane Udruženja Jazz Fest.

Jazz Fest je 2017. godine dobio sredstva na osnovu inicijative Turističke zajednice Kantona Sarajevo, uvažavajući dodatadašnji značaj ovakvog festivala za naš Kanton. Potpisanim ugovorom Turistička zajednica Kantona Sarajevo dobila je status donatora/pokrovitelja, što Jazz Fest nije dokazao niti jednim dokumentom, niti izvještajem. Nakon dodjele sredstava sva komunikacija i saradnja od strane Jazz Festa je završena.

Transparentanost rada pokazali smo tako što smo Javni poziv objavili na našoj web stranici, koji je bio otvoren 10 dana. Sve prijave su zaprimane putem protokola, zatvorene u koverti, što nije bila praksa prethodne uprave. Osim što je Javni poziv transparentno sproveden, javno je objavljena odluka o izabranim korisnicima i dodijeljenim iznosima što također nije bio slučaj sa prethodnom upravom.

Za sva dodatna pitanja i pojašnjenja stojimo na raspolaganju.

S poštovanjem,

Predsjednik Povjerenstva  
Turističke zajednice Kantona Sarajevo